

Suami tak sempat elak

Metro 18/4/12 MS 12-

GUA MUSANG: “Kereta pacuan empat roda itu berpusing beberapa kali dan terbabas menuruni bukit sebelum saya menjerit memintanya suami mengelak.

“Belum sempat suami berbuat demikian, kami diremuh dengan kuat oleh kenderaan terbabit,” katanya Zamroh Che Omar, 43, yang terbabit dalam kemalangan ngeri hingga menyebabkan suaminya, Mohd Sudin Seman, 55, terbunuh dalam kejadian di Kilometer 12 Jalan Gua Musang-Kuala Lipis, malam kelmarin.

Kemalangan jam 11 malam itu menyebabkan Zamroh yang duduk di sebelah kerusi pemandu cedera parah di kepala manakala anak perempuannya berusia empat tahun, Nur Fatin Amalina yang tidur di kerusi penumpang, patah paha kiri.

Dua beranak itu dikejarkan ke Hospital Gua Musang (HGM) untuk mendapat rawatan sebelum anaknya dipindahkan ke Hospital Kuala Krai (HKK) untuk rawatan lanjut.

Kejadian dikatakan berlaku apabila tiga beranak menaiki kereta Proton Saga dalam perjalanan dari bandar ini ke rumah mereka di Kampung Mentara Baru, Kuala Lipis, Pahang.

Ketika melalui kawasan



REMUK...keadaan kereta mangsa (Mohd Sudin, gambar kecil) remuk dirempuh sebuah kenderaan terbabas.

berbukit, kenderaan pacuan empat roda dinaiki dua lelaki dari arah bertentangan, terbabas ketika menuruni bukit sebelum memasuki laluan mangsa menyebabkan kedua-dua kereta bertembung.

Menurut Zamroh, suaminya itu masih bernyawa ketika tersepit di bahagian tempat duduk pemandu dan meninggal dunia beberapa minit kemudian.

Katanya, dia yang turut tersepit sempat memujuk anak-

nya supaya bersabar sebelum mereka mendapat bantuan orang ramai.

“Ketika dalam kesakitan, saya sempat mengajar suami yang nazak mengucap dan dia tidak menjawab apa-apa sebelum meninggal dunia,” katanya.

Bagaimanapun, dua lelaki yang menaiki kenderaan pacuan empat roda itu tidak mengalami sebarang kecederaan.

Sementara itu, Ketua Polis Daerah, Superintendan Sai-

ful Bahri Abdullah ketika dihubungi mengesahkan menerima laporan mengenai kejadian terbabit dan siasatan sedang dijalankan.

Katanya, mayat mangsa dihantar ke HGM untuk bedah siasat.

“Ia kemudiannya diserahkan kepada keluarga untuk dibumikan awal pagi tadi (semalam) di Tanah Perkuburan Islam Kampung Mentara Baru, Merapoh,” katanya.